

醫學六要

五上

脹滿 水腫 痞滿 吞酸 噎膈
眩暈 麻木 頭痛

內閣文庫
漢書
三六一二
函架冊號類

內閣文庫
番號 漢 12612
冊數 24 (18)
函號 301 31



治法彙五卷

脹滿

有寒有熱有氣滯有氣虛有血虛俱屬脾

寒初起脉沉伏或食寒涼傷脾而脹屬寒平胃

理中湯辛以散之

熱脉弦數膏梁酒色傷中濕熱鬱于中而脹者

屬熱小便必短數芩連梔子滑石苦以洩之大

肝江張三錫纂

金壇王肯堂校

治法彙五卷 脹滿

便秘而脉數有力者遇僊丹或茵陳梔子大黃湯以通大便

氣虛脉緩弱無力或氣口大四倍于人迎食少倦怠朝急暮寬屬中氣虛補中益氣湯加厚朴氣不運加木香不能食者先用六君子湯

血虛脉弦數或濇黑瘦口乾二便阻澀暮急朝寬屬血虛四物加二冬蘇子紅花桃仁泥以生血潤燥有火加薑製黃連大便秘用搜風順氣丸一二服

氣滯脉沉結或伏或弦晝夜不減頻歎氣屬氣滯因暴怒或抑鬱而成用木香流氣飲或七氣湯增減

三錫曰脹滿悉屬脾虛運化不及濁氣填塞所致初起微佐以消化舒鬱爲先勢盛而二便澀滯者微利之弱人或稍久一切病後瘡瘕後產後必參朮芪芍大補脾氣爲主而佐以消化厚朴木香黃連三類然王道無近功必數十服以漸取效常見用商陸牽牛等行水法一瀉卽消

三日後復起而死者比比皆是良由病家不明
理醫者求速效天人天年悲哉歷考古今明醫
無踰于丹溪東垣薛新甫王損菴矣豈肯曠日
持久而不知尅伐之功速耶其如中氣何可與
高明言難與俗人道爾

肥白人腹脹多是濕痰二木二陳平胃五苓加
減瘦人腹脹是熱用炒黃連厚朴白芍香附
或血有口嗜煎燻及熱酒物致血蓄于中而脹
者大便必見黑物抵當湯丸下之不若桃仁承

氣湯加紅花蘇木韭汁佳

宿食如氣口緊滑惡心飽悶而脹者是食積口
乾內熱者木香檳榔丸或枳實導滯丸下之

初起挾寒食而脈弦者木香厚朴丁香砂仁神

麩香附

內有濕熱外被寒鬱而脹者用藿香麻黃升麻
葛根桂枝亦表散之

怒則氣逆兩脇脹滿兩手脈弦青陳皮木香枳
子仁蘆薈甚者當歸蘆薈丸

厚味太過脾傷運化不及而脹者二朮二陳加
薑製黃連薑製厚朴蘿菴子或保和丸

因食肉過多而脹者山楂枳木香附半夏麩有
火加炒芩連

脹而喘喘則必生脹脹則必生喘二者相因之
病脾不運而濁火上炎肺不得清則喘肺氣被
鬱喘而不得下降則脹治分新久虛實初起脉
實者二陳蘇子葶蘆洩之二便通暢喘脹俱減
其功易

久病中氣弱食少多鬱悒人必用參朮補中藥
佐黃芩麥冬以清肺其效難醫者不可因其難
而妄攻下也

丹溪曰癰腹脹乃脾虛之甚必用大劑參朮佐
陳皮白茯苓木厚朴之類或曰腹已脹矣反用
參朮何耶曰乃內經塞因塞用之法正氣虛而
不能運行濁氣滯塞于中今扶助正氣使之自
然健運邪無所留而脹消矣

素問曰下氣虛乏中焦氣壅欲散滿則恐虛其

下欲補下則滿甚于中况少服則資壅多服則
宣通遂乃峻補其下以疏啓其中則中滿自消
下虛自實乃塞因塞用也如下痢日百度反用
大黃通利乃因通而用通故曰塞因塞用通因
通用且參朮之性少用則滋壅于上多服則峻
補于下又曰中滿者必須峻補其下以疏啓其
中然氣既得峻補則上行而啓其中焦運行之
令使之疏通乃軒岐奧旨世多不解因詳著而
發明之

補脾藥必佐薑製厚朴以其溫能益氣辛能寬
脹也

王損菴曰每見俗工不明其道專守下之則脹
已者一法耳雖得少寬一二日然真氣未免因
瀉而下脫而邪氣既不降必復聚成脹遂致不
救可勝嘆哉因書一二證以驗之嘉定沈氏子
年十八患胸腹身面俱脹滿醫治半月不效診
其脉六部皆不出也於是用紫蘇桔梗之類煎
服一盞胸有微汗再服則身盡汗其六部和平

之脉皆出一二日其證悉平又一男子三十餘
胸腹脹大發煩躁渴面赤不得卧而足冷予以
其人素飲酒必酒後入内奪於所用精氣溢下
邪氣因從其上逆逆則陰氣在上故爲臌脹其
上焦之陽因下逆之邪所迫壅塞於上故發煩
躁此因邪從下而上盛於上者也於是用莫菜
黃附子人參輩以退陰逆水泠飲之以解上焦
之浮熱入咽覺胸中頓爽少時腹中氣喘如牛
乳泄氣五七次明日其證愈矣 風寒暑濕脹

藿香正氣散 七情脹五膈寬中散木香流氣
飲沉香降氣湯 或飲食所傷脾胃虛弱以致
水穀聚而不化此寒濕鬱遏而脹香砂調中湯
大怒而脹分心氣飲 憂思過度而脹紫蘇
子湯 濕熱内甚心腹脹滿小便不利大便滑
泄及水腫大橘皮湯 失饑傷飽痞悶停酸早
食暮不食名穀脹大異香散 鷄矢醴治心腹
脹滿且食不能暮食由脾元虛弱不能剋制於
水水氣上行浸漬於土土濕不能運化水穀氣

不宣流上下痞塞故令人中滿旦陽氣方長穀
氣易消故能食暮陰氣方進穀不得化故不能
食其脉沉實滑病名穀脹用鷄矢白半升以好
酒一斗漬七日每服一盞食後臨臥温服脾土
受濕不能制水水漬於腸胃溢於皮膚漉漉有
聲怔忡喘息名水脹大半夏湯 煩躁漱水迷
忘驚狂痛悶喘惡虛汗厥逆小便多大便血名
血脹人參芎歸湯 有因積聚相攻或疼或脹
者初用七氣消聚散日久元氣虛脾胃弱而脹
者參朮健脾湯少佐消導藥 瘀蓄少血而脹
腹皮上見青紫筋小水反利脉芤瀉婦人多有
此疾先以桃仁承氣湯勢重者抵當湯如虛人
不可下者且以當歸活血散調治 勞倦所傷
脾胃不能運化而脹者補中益氣湯加減法見
勞倦門 大病後飲食失調脾胃受傷運化且
難而生脹者先以化滯調中湯次以參苓白朮
散瀉利後并過服通利藥以致脾胃太弱而脹
專以補脾為主若瀉痢未止間用胃風湯 喘

滿不得臥、虛則人參生脉散之類、實者葶藶湯
之類、胸膈滿脹、一身面目盡浮、鼻塞欬逆、清
涕流出、當用小青龍湯二三服、分利其經、却進
消脹藥、經久患泄瀉、晝夜不止、乃氣脫也、宜
用益智子煎濃湯服之愈、凡腹脹、小腹脹、皆
有腎熱、三焦虛寒、石水腸癰、女勞疸、
診法曰、脹滿脉弦、脾制于肝、洪數熱脹、遲弱陰
寒、浮為虛滿、緊則中實、浮則可治、虛則危急、高
陽生曰、腹脹浮大是出泥、虛小病深、命應促、

平胃理中湯

補中益氣湯

見勞傷門

遇僊丹

茵陳梔子大黃湯

見濕門

六君子湯

見脾胃門

搜風順氣丸

見風門

木香流氣飲

見氣門

抵當湯

見蓄血門

桃仁承氣湯

見蓄血門

治法彙五卷

長篇

當歸龍薈丸

見脇痛門

保和丸

見傷食門

藿香正氣散

五膈寬中散

見反胃門

沉香降氣湯

見氣門

木香流氣飲

見氣門

香砂調中湯

治飲食所傷脾胃嘔吐胸膈噎

噎或胸腹脹痛

藿香

砂仁

各一錢二分

蒼朮

米泔浸二錢

厚朴

薑製

陳皮

半夏

茯苓

青皮

枳實

各錢

甘草

三分

薑三片水煎食前服

紫蘇子湯

治憂思過度致傷脾胃心腹膨脹

喘促煩悶腸鳴氣走漉漉有聲大小便

不利脉虛緊瀯

真紫蘇子

炒搥碎一錢

大腹皮

草果仁

半夏

製

厚朴

木香

陳皮

去白木通

白朮

枳實

炒各一錢

人參

五分

甘草

三分

治法原五卷三

長青

乙

薑五片水煎服

大橘皮湯

橘皮

厚朴

薑製

猪苓

澤瀉

白朮

各二錢二分

枳榔

赤茯苓

陳皮

半夏

山查

蒼朮

藿香

白茯苓

各一錢

木香

五分

滑石

三錢

薑三片水煎食前服

大異香散

平脾飲子

專治喜怒不節肝氣不和邪乘脾

胃心腹脹滿頭暈嘔逆脉來浮絃

防風

桂心

不見火

枳殼

赤芍

桔梗

甘草

人參

枳榔

當歸

川芎

陳皮

薑棗煎服

木香順氣湯

治濁氣在上則生腹脹及七情

所傷辛散鬱結也

三陳去甘草

平胃散加白朮

豆蔻

木香

益智仁

萸菜萸

升麻

當歸柴胡

澤瀉

乾薑

水煎服

中滿分消湯 治中滿寒脹寒疝二便不通陰

躁厥冷食入反出中寒心痞奔豚寒疝

益智仁 半夏 青皮 柴胡 當歸

茵陳莖 木香 茯苓 升麻 川烏 澤瀉 人參

葶澄茄 黃芪 乾薑 厚朴 黃連

草豆蔻 黃蘗 薑水煎溫服

鷄屎醴散 治旦食不能暮食

大黃 桃仁 鷄屎 乾者

右等分爲末每服一錢薑三片煎調臨睡服

治法彙五卷

盱江 張三錫 纂

金壇 王肯堂 校

水腫

三錫曰水腫悉屬脾虛不能運化濁氣橫溢四

肢頭面而爲腫初起邪盛宜治標分在上在下

仲景曰腰已上腫宜發汗腰已下腫宜利小便

卽內經開鬼門潔淨府之意開鬼門是發汗潔

淨府謂利小便稍久卽是脾虛補中行濕利小

便治。本爲上策也。丹溪曰：因脾虛不能製水，乃濁氣抑遏邪水，非天一也。水漬妄行，當以參朮補脾土氣，得實則自能健運，自能升降運動，其樞機則水自下，非五苓之行水也。

腫病不一，或遍身腫，或四肢腫，面腫，脚腫，皆謂之水氣。然有陽水，有陰水，並可先用五皮飲，或除濕湯，加木瓜、腹皮各半錢。如未效，繼以四磨飲，兼吞桂黃丸，仍用赤小豆粥佐之。遍身腫，煩渴，小便赤澀，大便多閉，此屬陽水，輕宜四磨

飲，添磨生枳殼，兼進保和丸。重則疏鑿飲，于利之以通爲度。亦有雖煩渴而大便已利者，此不可更利，宜用五苓散，加木通、大腹皮半錢，以通小便。遍身腫，不煩渴，大便自調，或溏泄，小便雖少而不赤澀，此屬陰水，宜實脾飲。小便多少如常，有時赤，有時不赤，至晚則微赤，却無澀滯者，亦屬陰也，不可遽補。木香流氣飲，繼進復元丹。若大便不溏，氣息脹滿，宜四磨飲，下黑錫丹。四肢腫，謂之肢腫，宜五皮飲，加薑黃、木瓜各一

錢或四磨飲或用白朮三兩、咬咀、每服半兩、水一盞半、大棗三枚、拍破、同煎至九分、去渣、溫服、日三、無時、名大棗湯。面獨腫、蘇子降氣湯、兼氣急者、尤宜、或煎熟、去渣後、更磨沉香一呷、有一身之問、唯面與雙腳浮腫、早則面甚、晚則腳甚、經日面腫、為風、腳腫、為水、乃風濕所致、須問其大小、臍通閉、別其陰陽二症、前後用藥、惟除濕湯、加木瓜、腹皮、白芷、各半錢、可通用、或以蘇子降氣湯、除濕湯、各半貼煎之。羅謙甫導

滯通經湯、治面目手足浮腫。感濕而腫者、其身雖腫、而自腰下至腳尤重、腿脹滿、尤甚於身、氣或急、或不急、大便或澹、但宜通利小便為佳。以五苓散吞木瓜丸。內犯牽牛亦不可輕服。間進除濕湯。加木瓜、腹皮、各半錢、炒萊菔子七分半。因氣而腫者、其脉沉伏、或腹脹、或喘急、宜分氣香蘇飲。飲食所傷而腫、或胸滿、或噎氣、宜消導寬中湯、不服水土而腫者、胃苓湯加五皮湯。有患生瘡、用乾瘡藥太早、致遍身腫、宜消風敗毒

通

散若大便不通升麻和氣飲若大便如常或自利當導其氣自小便出宜五皮飲和生料五苓散腹若腫只在下宜除濕湯和生料五苓散加木瓜如澤瀉之數已上數條爲有餘之症大病後浮腫此係脾虛宜加味六君子湯白朮三錢人參黃芪各一錢半白茯苓二錢陳皮半夏麴芍藥木瓜各一錢炙甘草大腹皮木瓜各五分薑棗煎服小便不利間入五苓散有脾肺虛弱不能通調水道者宜用補中益氣湯補脾肺六味丸補腎有心火尅肺金不能生腎水以致小便不利而成水證者用人參平肺散以滋肺滋陰丸以滋小便若腎經陰虧虛火爍肺金而小便不生者用六味地黃丸以補腎水用補中益氣湯以培脾土肺脾腎之氣交通則水穀自然尅化二經旣虛漸成水脹又悞用行氣分利之藥以致小便不利喘急痰盛已成蠱證宜加減金匱腎氣丸主之已上數條爲不足之證○不足者正氣不足有餘者邪氣有

餘凡邪之所湊必正氣虛也故以治不足之法
治有餘則可以治有餘之法治不足則不可
濁古法如水腫因氣爲腫者加橘皮因濕爲
腫者煎防已黃芪湯調五苓散因熱爲腫者
入正散如以熱燥於肺爲腫者乃絕水之源
也當清肺除燥水自生矣於梔子豉湯中加黃
芩如熱在下焦陰消使氣不得化者當益陰
而陽氣自化黃蘗內加黃連是也如水脹之
病當開鬼門潔淨腑也白茯苓湯主之白茯苓

苓湯能變水白茯苓澤瀉各二兩郁李仁五錢
水一碗煎至一半生薑自然汁入藥常服無時
從少服五七日後覺腹下再腫治以白朮散白
朮澤瀉各半兩爲末煎服三錢或丸亦可煎茯
苓湯下三十丸以黃芪芍藥建中湯之類調養
之平復後忌房室猪魚鹽麪等物香薷熬膏
丸如桐子大每服五丸日三漸增以小便利爲
度冬瓜不限多少任喫鯉魚一頭重一斤
已上者煮熟取汁和冬瓜蔥白作羹食之青

頭鴨或白鴨治如食法細切和米并五味煮粥食之宜空腹時進

除濕湯 見中濕門

五皮飲 治風濕客於脾經氣血凝滯以致面

目虛浮四肢腫滿心腹膨脹上氣促急

兼治皮水妊娠胎水

五加皮 地骨皮 生薑皮 大腹皮

茯苓皮 各等分 一方加白朮磨沉香木香入

右咬咀每服三錢水煎熱服無時

四磨飲 見氣門

木香流氣飲 見氣門

桂黃丸 缺

黑錫丹 見諸逆衝上

蘇子降氣湯 見氣門

五苓散 見消癰

消導寬中湯

白朮 錢半 枳實 炒 厚朴 薑製 陳皮 半夏

茯苓 山查 神麩 麥芽 蘿蔔子

水煎薑三片 小便不利加猪苓澤瀉
清風敗毒散

人參 獨活 柴胡 桔梗 枳殼

羌活 茯苓 川芎 枳殼 荆芥 防風

薑三片水煎食遠服

六味丸 見虛勞門

人參平肺散 見喘門

補中益氣湯 見勞倦門

金匱腎氣丸 治肺腎虛腰重脚腫小便不利

或肚腹腫脹四肢浮腫喘急痰盛已歲

蠱證其效如神此證多因脾胃虛弱治

失其宜元氣復傷而變此證非此藥不

能救

白茯苓三兩附子五錢川牛膝 官桂 澤瀉

車前 山藥 山茱萸 丹皮 熟地

右為末和地黃煉蜜丸如桐子大每服七八

十九空心白湯下

薛新甫曰每見用尅伐傷損脾腎瀉喘腫脹已

不可救，往往用此轉危為安，妙在桂附以補脾之母也。損菴公亦屢稱其神，錫常加參朮活人殊衆。後人母得忽略。

八正散

見淋門

穉子豉湯

見虛煩門

痞滿

有實痞，有虛痞。

脈弦急而滑，胃中痞滿，乃肝氣與食滯而成。宜疎肝消導化痰。

脈弦或沉弱，或虛大無力，氣口為甚。日久脾胃受虧，或過服尅伐之藥，中焦痞滿屬虛，宜健脾補中益氣湯。六君子湯加減。

大法黃連黃芩枳實之苦以泄之，厚朴半夏生薑之辛以散之，人參白朮之甘溫以補之，茯苓

澤瀉之鹹淡以滲之大槩與濕同法使上下分消可也

戴氏曰諸痞塞及噎膈乃是痰爲氣所激而上氣又爲痰所隔而滯痰與氣搏不能流通並宜二陳加枳實砂仁木香或木香流氣飲入竹瀝薑汁

海藏曰治痞獨益中州脾土以血藥兼之其法無以加矣

丹溪曰凡心下痞悶須用枳實黃連

肥人心下痞悶內有濕痰也宜二朮二陳有火加炒芩連實者去白朮或滾痰丸妙

濕者四肢困重小便短宜平胃和五苓以滲之鬱者脉必沉越鞠加減

熱則煩渴溺赤以苦藥泄之大消痞丸煎湯用黃連葛根升麻發之便結者利之

瘦人心下痞悶乃鬱熱在上焦宜枳實黃連以導之葛根升麻以發之

如飲食後冒風寒飲食不消或食冷物而作痞

河海遺編五卷 痞滿
悶宜溫中化滯，吳茱萸、宿砂、藿香、平胃、草豆蔻之類。

脾氣虛弱，轉運不及，飲食不化而作痞者，宜四君子湯，加山查、麥芽之類。

有因傷寒下之太早而成痞悶，枳椇、小柴胡湯，不已對小陷胃氣口緊滑，惡心痞悶，因于食也，從傷食治。

有酒積雜病過下傷脾，脾虛不運，亦作痞，養胃兼和血，參朮歸芍之類，佐升提胃氣，升柴。

傷寒汗下後，脈淨身涼，但痞悶，口乾便燥者，乃凶陰，津液受虧也，四物加參苓白朮，升麻、柴胡、少佐陳皮、枳殼之類。

大病後元氣未復而胃滿氣短者，補中益氣湯、橘皮枳朮丸。

陰火上炎時作痞悶，噯氣炒黃柏為君，或少佐四物知母。

兩寸關脈弦滑帶瀼，屬肝氣鬱而不伸，膈上有稠痰也，宜吐以達之，後舒鬱疎肝平胃。

中焦濕痰盛作痞四肢困小便短宜平胃五苓
滲之肥人多此婦女倍香附川芎

胃中有熱膈上有痰作痞悶者黃芩利膈丸佳
七情所傷鬱悒不舒臟腑不和心腹痞悶七氣
湯佳

太抵心下痞悶必是脾胃受虧濁氣挾痰不能
運化爲患初起宜舒鬱化痰降火二陳越鞠炒
黃連黃芩之類久之固中氣參朮苓草佐以他
藥有痰治痰有火清火鬱則兼化方是或以枳

朮爲君隨病加減作丸此效若妄用尅伐禍不
旋踵

大怒之後成痞或痰中見血或口中作血腥氣
是瘀血用牡丹皮江西紅麴麥芽童便浸香附
桔梗通草川山甲降香紅花山查肉蘇木各錢
許酒童便各壹鍾煎服甚者加大黃臨服入韭
汁桃仁泥

脾胃氣虛心腹脹滿疼痛時作時止厚朴溫中
湯主之

厚朴 陳皮 茯苓 草豆蔻 甘草

木香 各半錢 乾薑 壹錢

水煎服不應加參朮

有痰挾瘀血成窠囊作痞脉沉澹日久不愈多鬱人悲哀過度有之宜從血鬱治桃仁紅花香附牡丹皮薑汁之類

東垣失笑丸 治右關脉弦心下虛痞惡食懶倦開胃進食

乾薑 甘草 麥蘖 炒 白茯苓 白朮 各三錢

半夏麴 人參 各參錢 厚朴 薑製四錢 枳實 麴炒黃色

黃連 各伍錢

右為細末蒸餅丸梧桐子大每服柒捌拾丸白湯下

東垣木香順氣湯 治臍脹心腹懣悶藥稍辛散初病無火最妙或過用寒涼用此開鬱壹貳服而止有驗

木香 益智 陳皮 蒼朮 草豆蔻 各半錢

厚朴 薑汁製 青皮 各四分 茯苓 澤瀉

半夏各六分 乾薑 茱萸各三分 當歸

人參各五分 升麻 柴胡各一錢 水煎服

大消痞丸 治遠年不愈者其中用人參白朮

補脾二陳化痰和中枳實厚朴消悶茱萸

澤瀉分利濁氣乾薑砂仁散鬱薑黃下氣

佐芩連以降火神麩開胃腐熟水穀最得

立方之妙昧者謬以為雜殊可太息

乾薑 神麩炒 甘草炙 半夏湯泡

陳皮 人參各肆錢 朱苓貳錢半 澤瀉 厚朴

薑汁炒 砂仁各叁錢 枳實伍錢 黃連 黃芩

俱用陳壁土炒 薑黃 白朮各壹兩

右為細末浸炊餅丸桐子大每服伍拾丸至

百丸空心白湯下

胃痺不得臥心痛徹背括萋薤白半夏湯主之

是飲為患也

一方瓜萋炒熟連皮或丸最蕩滌胸中垢膩

調中益氣湯 見內傷門

越鞠丸 見鬱門

四君子湯

見虛損門

大柴胡湯

見傷寒門

橘皮枳朮丸

枳朮丸加橘皮

黃芩利膈丸

見痰門

吞酸

俗謂之噯酸

中宮氣不清，敗痰停飲，宿食醜造而成。初起惡心飽悶，脉兩關並右氣口弦滑，乃食為氣滯。用吐法，後消導和中，舒鬱。二陳平胃，越鞠加減。日久脉沉滑或弦，屬鬱結，恒多見於女子。或失意人宜以吳茱萸去梗湯浸半日，為君佐。二陳香附炒黃連或梔子。丹溪曰：治酸必用茱萸，順其性而折之。因食鬱有痰而致者，二陳加南星黃芩，或生料。

平胃散加神麩麥芽薑棗同煎服

脾胃虛弱飲食入胃嘔吐作酸不能腐熟者脉必右寸關弦滑無力宜六君子加丁香砂仁佳丹溪加味二陳湯治痰飲為患嘔吐頭眩心悸或因食生冷硬物時吐酸水原方加丁香

茱萸丸 治平時吞酸最妙

茱萸 湯浸半日 陳皮 黃芩 壁土炒各五錢 黃連 土炒一兩

蒼朮 米泔浸柴錢半

右為細末神麩打糊為丸菜豆大每服貳參

拾丸津液嚥下

一方

莫茱萸黃連貳味隨時寒暄迭為佐使寒月倍茱夏月倍連蒼朮茯苓為輔湯浸炊餅丸水下吞之

作酸必須斷厚味必蔬食自養則病易安

不時清水上溢或吐出用蒼朮陳壁土炒茯苓滑石白朮陳皮煎服

大抵曲直作酸木氣鬱而不伸痰飲因而阻塞

故酸味蜚心宜從治之不宜大寒涼必佐以辛
味莫菜萸白蔻砂仁蒼朮半夏厚朴之類佐以
炒梔子及炒黃連

平胃散

見濕門

越鞠丸

見鬱門

六君湯

見脾胃門

陳湯

見痰門

噎膈

飲食之際氣忽阻塞曰噎心下隔拒或食到膈
間不得下曰膈良久復出者翻胃

丹溪曰少壯者多是痰火七情年高者必是血
液乾槁乃千古不易之確論也

血乾黑瘦面不澤左脉微弱右寸關滑大或實
胸中不寬久之必噎膈大腑必燥左脉弱知
血少大便難右脉滑知痰火盛必防碍食乃
屢驗者必養血潤燥兼清中上二焦若急于

舒鬱快膈辛香助火胃汁速乾去灰不遠矣
雖半夏蒼朮厚朴俱不可用况下沉砂仁薤
桂乎四物加竹瀝薑汁乃丹溪妙用也余嘗
以歸芍二門二母花粉橘紅麥芽少佐枳實
白朮煎成加竹瀝薑汁多服大獲奇驗俟胃
氣稍開仍用四物加二門生地白朮梨汁竹
瀝白蜜煉膏殊効右寸關虛大者加人參
痰盛體厚色白右脉沉滑或數或濡多兼惡心
屬胃熱有痰宜二陳枳朮加竹瀝薑汁初起
元氣實滾痰丸妙稍久人倦必養胃爲主六
君子加減
痰多食纒下便裹住不得下以來復丹控其
痰涎用滌痰丸霞天膏和者

鬱悒脉弦滑沉多鬱悒失意人或孤男寡婦初
起自當舒鬱久之必兼補養須分氣血
丹溪曰大率因氣血虛而有痰○叔承子曰胃
中氣血虛食少津液不生乾涸痰凝所致
戴氏曰氣虛者脉必緩而無力血虛者脉必數

而無力、痰者寸關必沉伏而滑大有氣滯結者寸關必沉澹。

張雞峯曰噎是神思間病惟內觀靜養可安此言深中病情。

屎如羊屎者不治大腸無血故也年高者危。

戴氏曰氣血俱虛者則口中多出沫但見沫大出者死。

吐痰多者不必治痰補以化之。

治法用童便竹瀝韭汁牛羊乳或加驢尿氣虛

入四君子血虛入四物湯切不用香燥藥宜薄

滋味。

服耗氣藥過多中氣不運而格拒飲食當補氣使自運補氣運脾湯方用四君加黃芪橘紅砂仁煎服。

初起有痰火盛尿洪滑者宜用黃連炒三錢薑汁山查肉二錢保和丸一錢同為末糊丸麻子大胭脂胚為衣人參湯加竹瀝下五十九丸。

一法馬鮑兒即野田瓜燒存性陳米湯調下一法

滄見一錢燒存性、好紅棗肉四枚、平胃散二錢、
溫酒調下、即可進飲食、然後審氣血虛實調理、
一法左金丸加貝母、瓜蒌子、牛轉草丸服、
一法用韭汁二兩、牛乳一盞、生薑半兩、搗汁和
勻頓服、

有氣結者、開導之、有陰火上炎、作陰虛治、有積
血者、消息之、韭汁能消膈上瘀血、

食物下咽、屈曲自膈而下、梗澁作微痛、多是瘀
血、用前膏子藥潤補之後、以代抵當丸下之、

虛而胃液乾、噎食不下、生薑汁、白蜜、牛酥、各五
兩、人參末、白合、各二兩、重湯煮膏、不時抄半匙
津下、

古方用人參以補肺、御米以解毒、竹瀝以清痰、
四物以養血、粟米以實胃、蜜以潤燥、薑以去穢、
有治寒者、必當時有因于寒者、古方用乾薑、恐
悞、或作薑導可也、

如服藥不吐、切不可便與粥食、每日用人參五
錢、陳皮二錢、作湯細細呷之、以扶胃氣、覺稍安、

和漸加人參旬日半月間方可小試陳倉米飲
及糜粥倉廩未固不宜便貯米穀常見即食粥
飯者遂致不救

寒者或遇食冷所致稍久鬱即成熟今人悉因
痰氣久悞于醫傳變而成其無寒也明矣

人參利膈丸治噎膈胸中不利大便結燥痰嗽
喘滿脾胃壅滯推陳致新乃治標法也

木香 檳榔 各七錢半 人參 當歸 藿香

甘草 枳實 炒各一兩 大黃 酒浸蒸熟

厚朴 薑製一兩

脾胃稍開止可米飲牛乳韭菜清虛之物切不可驟食羔點粘膩恐復傷胃也或少用養湯牛
鴨清湯以助胃氣

李絳法嘔吐無常粥飲入口即吐困倦無力垂
灰者以上黨人參三兩劈破水一大升煮取四
合頓服

大便燥結如羊屎閉久不通似屬血熱不可頓
攻止可清熱潤養小著湯丸累累加之關扁自

透滋血潤腸湯 薑汁多大黃 人參利膈丸
玄明粉少加甘草 然服通利藥過多致血液
耗竭而愈結者當用前膏子潤之 有火逆衝
上食不得入其脉洪大有力而數實者滋陰清
膈飲加枇杷葉二錢蘆根一兩

丹溪曰凡膈噎反胃悉以二陳湯加薑汁竹瀝
童便韭汁之類爲主如胸中覺有熱悶本方加
土炒黃連黃芩瓜蒌桔梗之類

如血虛瘦弱之人本方合四物湯可加杏仁泥
紅花童便韭汁之類仍不可缺若飲酒人本方
加砂糖驢尿入內服

如朝食暮吐暮食朝吐或食下須臾即吐者此
胃可容受而脾不能傳送也或大小腸秘結不
通食返而上奔也本方加酒蒸大黃桃仁之類
以潤之脾不磨者本方多加麥蘖神麩之類以
助傳化之令

氣虛肥白之人膈噎者本方合四君子湯亦加
竹瀝薑汁爲要藥也

如因七情鬱結成噎膈者本方加香附、撫芎、木香、檳榔、括糞仁、砂仁之類

凡大便燥結用大黃乃急則治標之劑也仍用牛羊乳四物、韭汁、竹瀝、薑汁為上策也但不可用人乳代之蓋人乳有飲食烹飪之火存乎中故耳

有進半鍾米飲反吐二三碗痰水者不必治痰但審氣血孰虛及養胃氣為急

秘方潤腸膏 治膈噎燥結飲食良久復出及

朝食暮吐暮食朝吐其功甚捷

取新威靈仙 四兩搗汁五月開花者 生薑 四兩搗汁

真麻油 二兩 白砂蜜 四兩煎沸掠出上末

右四味同入銀石器內攪勻慢火煎候如飴時時以筋挑食之一料未愈再服一料决効經驗大力奪命丹 治膈噎不下食及翻胃等症

杵頭糠 牛轉草 各半斤 糯米 一升

右為末取黃牛口中沫為丸如龍眼大入鍋

中慢火煮食之加砂糖二三兩入內尤妙
又法杵頭糠人參末石蓮末柿霜玄明粉等分
舐吃 枇杷葉拭去毛陳皮去白各一兩生薑
半兩水煎分溫服

正傳載一人五十三得噎膈症食不下良久復
出大便燥結人黑瘦殊甚其脉右寸關前弦滑
而洪後畧沉小左三部俱沉弦尺芫乃中氣不
足木來侮土上焦濕熱鬱結成痰下焦血少故
大便結燥陰火上衝吸門故食不下用四物以

生血四君以補氣一陳以祛痰三合成劑加薑
炒黃連炒枳實少加砂仁又間服潤腸丸或服
丹溪墜痰丸半年服前藥百餘貼病全安

又一婦四十九身瘦勤于女工得膈噎症半年
矣飲食絕不進而大便燥結不行者十數日小
腹隱隱然疼痛求治六脉皆沉伏以生桃仁七
箇令細細嚼杵生韭汁一盞送下片時病者云
胸中畧覺寬舒以四物六錢瓜蒌仁一錢桃仁
泥半錢熟大黃一錢酒紅花一分煎成加溫羊

乳一盞合而服之半日後下宿糞若干腹痛漸止徐進稀粥而乃以四物加羊乳五六十服遂不再舉

丹溪法用霞天膏加補虛藥中曾一人則吐瀉積痰皆調理而愈須年未衰憊者乃可

治反胃用新汲水一大碗留半碗將半碗水內細細澆香油鋪滿水面上然後將益元散一貼輕輕鋪滿香油面上須臾自然沉水底此即陰陽升降之道也用匙攪勻服却將所留水半碗

盪藥碗漱口令淨吐既止却進末子涼膈散通其二便未効再進一貼益元及涼膈即効也此

方極驗

治反胃噎膈極驗方

童便

降火

竹瀝

竹痰

韭汁

行血

人乳牛乳

補虛潤燥

蘆根汁

止嘔

茅根汁

涼血

薑汁

佐竹瀝行痰

甘蔗汁

和胃

驢屎

殺虫

仍入燒酒米醋蜜各少許和勻隔湯頓溫服

自製通腸丸

治症同前

治法錄五卷

大黃酒浸 滑石飛研各二兩 陳皮去白 厚朴薑汁各一

兩五錢 人參 當歸 貫衆去毛

乾漆炒河盡 木香 檳榔各七錢伍分

三稜煨 蓬朮煨 川芎 薄荷 玄明粉

雄黃 桃仁泥 甘草各五錢

俱各另研取細末用竹瀝等汁各二盃燒酒薑汁一盃隔湯煮濃和丸如芥子大每服三錢去枕仰臥唾津嚥下通利止後服服此丸及前諸汁後得藥不反切不可便與粥飯及諸飲食每

日用人參五錢陳皮二錢作湯細啜以扶胃氣

一人冬月日飲剉酒三盞自後每食必屈曲

下行膈間梗塞微痛乃汚血在胃口也用薑汁

半盞細細冷呷盡半斤而愈以薑汁能開提氣血也

又有反胃因叫呼極力破損氣喉氣喉破漏氣

壅胃管胃受氣亦致反胃法在不治或用牛喉

管焙燥服之

王安道曰內膈嘔逆食不得入是有火也若病

久而吐食入反出是無火也治法若脾胃氣虛

而胸膈不利者用六君子湯壯脾土生元氣若
用辛熱之劑而嘔吐噎膈者四君子加芎歸益
脾土以抑陰火胃火內膈而飲食不入者六君
子加芩連清火養胃若嘔吐食入反出者六君
子加水香炮薑溫中補脾若悞服耗氣之劑血
無所生而大便燥結者用四君子加芎歸補脾
生血若火逆衝上食不得入者四君子加山梔
黃連清血養血若痰飲阻滯而食不得入者六
君子加水香山梔補脾化痰若脾胃虛寒飲食
不化或入而不化者六君子加水香炮薑補脾
胃更非慎房勞節厚味戒氣怒者不治年高無
血亦不治

脾胃陽火內衰其脉沉微而遲者以辛香之藥
溫其氣丁沉香膈湯五膈寬中散嘉禾散仍佐
益陰之藥

瘀血在膈阻碍氣道而成者以代抵當丸令其
搜逐停積至天明利下惡物却好將息五靈脂
治淨爲細末黃大膽和丸龍眼大每服一丸好

酒半盞服。不過三服。効亦行。瘀法也。亦有有虫者。以秦川剪紅丸取之。此丸亦取瘀血。

五膈寬中散 治七情四氣傷于脾胃以致陰

陽不和胸膈痞滿停痰氣逆遂成五膈

並治一切冷氣

白豆蔻兩二 甘草兩五 木香兩三 厚朴兩製一

縮砂仁 丁香 青皮 陳皮各四兩

香附子炒去毛一斤

右為細末每服二錢薑三片鹽少許不拘時

白湯調服

滋陰清膈飲 治陰火上衝或胃火大盛食不

入脉洪數者

當歸 芍藥 黃蘗 黃連各一錢五分

黃芩 山梔 生地黄各一錢 甘草三分

水煎七分加竹瀝薑汁各半酒盃食前服

丁沉透膈湯 治脾胃不和痰逆惡心或時嘔

吐飲食不進十膈五噎痞塞不通並皆

治之

白朮二兩 香附子 縮砂仁 人參各一兩

丁香 麥蘖 木香 肉豆蔻

白豆蔻 青皮各半兩 沉香 厚朴

藿香 陳皮各七錢半 甘草一兩半 熟半夏

神麩炒 草果各二錢半

每服肆錢水一盞薑三片棗二枚煎七分不

拘時熱服

來復丹 見暑門 滌痰丸 見痰門

霞天膏 見積聚門 抵當丸 見畜血門

六君子湯 見脾胃門 嘉禾散 見虛損門

眩運

眩運悉屬痰火。但分虛實多少而治。

肥人脉沉滑屬濕痰。白朮半夏天麻湯炒。

瘦人脉弦數乃陰虛相火上炎也。宜滋陰降火。

如兩手脉伏。面色痿黃。憔悴屬氣虛生涎濁。氣

泛上。其涎亦令頭眩。恒見於鬱悒之人及婦女

輩。宜舒鬱。

中年之人。大病初起。元氣未復。起則眩倒。脉必
緩弱。或右手寸關大而無力。宜補中益氣。倍參

法法書五卷
眩運
芪加天麻有痰加二陳有火加炒黃柏

夏月頭眩偶冒暑勞形脉虛細煩悶口渴屬傷暑先以六乙散後用大劑生脉散加黃柏

劉宗厚曰眩運上實下虛所致所謂下虛者血與氣也所謂上實者痰火泛上也急則治痰火緩則補元氣

脉弦實有力口煩渴壯盛之人頭眩者屬實痰實火或過飲恣口所致宜降火化痰酒茶梔子二陳枳桔薄荷荆芥花粉出入不惡心加酒煮大黃三二錢妙

丹溪法眩運不可當者大黃酒煮二次爲末茶調下每一錢至二錢

淫慾過度腎虛不能納氣歸元使諸奔上宜益氣補腎湯

中宮濕痰盛壅塞清道因而頭眩脉必緩弱宜平胃滲濕

產後血暈悉屬虛清魂散加童便甚者獨參湯加童便一大盃薑汁三茶匙

正傳云人肥白而作眩運者治宜清痰降火爲先而兼神氣之藥人黑瘦而作眩運者治宜滋陰降火爲要而帶抑肝之劑

丹溪曰眩運者中風之漸也如肥白人氣虛挾痰四君二陳倍蜜炙黃芪少加荆穗川芎以清利頭目或加蔓荆子

風痰眩運頭痛惡心吐酸水半夏南星白附子生爲末滴水丸桐子大以生麵爲衣陰乾每服十丸至二十丸薑湯下

頭面喜煖手按則運定此陽虛也大劑參芪痰盛氣虛六君子加黃芪少佐炮附子煎成入竹瀝薑汁

如體瘦陰虛兼痰火盛者二陳四物加片苓薄荷入竹瀝薑汁童便

天麻荆穗薄荷乃消上焦風熱妙品非治本藥也因痰治痰因火治火或補氣或補血或滋陰要在變而通之

古方芎朮湯治冒雨中濕眩運嘔逆頭運嘔逆

治法彙編五卷 眩暈
不食等症殊効用川芎半夏白朮各錢二分甘草六分薑七片煎服

血家作眩芎歸湯胸中有瘀血飲韭汁酒良上焦風熱作眩脉浮數兼頭痛眼赤作寒熱者防風通聖散出入

諸失血崩漏肝虛不能收攝榮氣而上逆補肝養榮湯方用四物加陳菊甘草煎服

嚴氏玉液湯治七情感動氣鬱生涎隨氣上衝頭目眩暈心忪怔忡眉稜骨痛用大半夏泡七次去皮臍薄切四錢薑十片煎入沉香水磨一呷服大効

兩手脉緩大無力飲食減而微渴大便三四日一行亡血乃大虛証參芪歸朮芍藥作大劑濃煎下連栢丸三十粒連榮皆薑汁炒冬加乾薑少許更以薑汁煮糊丸

冬月冒寒鼓激痰涎亦作眩暈宜從寒治一老婦白帶眩暈專治帶而安

早起眩暈須臾自定乃胃中老痰使然古方用

黑錫丹劫之藥用桂附沉硫黑錫蘆巴故紙商
香陽起金鈴木香大辛大熱恐劫不開轉增病
耳不若礞石鎮墜之藥徐徐取效更慎口腹爲
佳

古方用鹿茸五錢酒煎湯加麝少許治元陽虛
眩運必虛而無火者宜之

嚴氏曰外感六淫內傷七情皆能眩運風則脉
浮有汗項強不仁消風散都梁丸青州白丸子
寒則脉緊無汗筋攣掣痛不換金正氣散加川

芎白芍 暑則脉虛大自汗煩悶十味香薷散

濕則脉沉細體重節痛吐逆涎沫腎着湯除濕
湯 肝家風熱用鈎藤散 七情相干眩運欲

倒十四友丸安腎丸二藥夾和七氣湯送下仍
間用乳香泡湯下 汗多亾陽或中氣虛大劑

補中益氣加菊花 痰結胸中眩運惡心獨聖
散吐之或以鹽湯探吐亦可吐定用導痰藥

二便結滯搜風順氣丸佳

鈎藤散鈎藤陳皮半夏麥冬茯苓石膏人參甘

菊防風等分其草減半加薑煎服

有因虛致暈雖暈定面常欲近火欲得煖手按之蓋頭為諸陽之會陽氣不足故耳

診法 左手脉數熱多 脉澀有瘀血 右手脉實痰積 脉大是久病

大安腎丸 治腎經久積陰寒膀胱虛冷下元

衰憊耳重唇焦腰腿腫疼臍腹撮痛兩脇刺痛小腹堅痛下部濕癢夜夢遺精恍惚

多驚皮膚乾燥面無光澤口淡無味不思飲食大便澀泄小便滑數精神不爽事多

健忘常服補元陽益腎氣

肉桂去麝皮 川烏頭去皮臍炮 桃仁麩炒

巴戟去心 白茯苓 山藥 茯苓

石斛去根 肉蓯蓉 萆薢 白朮

破故紙各肆拾捌兩

右末煉蜜丸桐子大每空心鹽湯下三十九小腸氣茴香湯下

益氣補腎湯

六法彙編五卷

人參 黃芪 各一錢二分 白朮 二錢 白茯苓 一錢

甘草 炙五分 山藥 山茱萸 各一錢五分

水煎服

半夏白朮天麻湯 見頭痛門 清菟散 見左門

防風通聖散 見風門 消風散 見斑疹門

十四友丸 見癰門 都梁丸 見頭痛門

青州白丸子 見風門 七氣湯 見氣門

不換金正氣散 見傷寒門 補中益氣湯 見內傷門

香味香薷飲 見暑門 益氣補腎湯

麻木

榮衛滯而不行則麻木如坐久壓住一處麻不能舉理可見矣屬痰屬虛木則全屬濕痰瘀血一塊不知痛癢若木然是也

脉沉滑體厚人屬痰與濕二木二陳或少佐風藥羌獨桂枝一二味兼參芪補氣

婦人及素有鬱悒者當舒鬱脉微弱或弦大無力病久體羸者屬氣虛補中益氣或加製附子一片夏月對生脉散

一塊不知痛癢、陰寒益甚、或日輕夜重、脉瀋而
芤或弦、屬痰挾瘀血、宜活血行氣、芎歸桃仁泥、
紅花牛膝二陳之類、加韭汁大便見黑而便閉
者、桃仁承氣下之、

丹溪曰、十指麻木、屬胃中濕痰、瘀血、宜二朮二
陳、桃仁紅花、少加附子行經、

補氣和中升陽湯

一婦人病、六脉俱中、得弦洪緩相合、按之無
力、弦在上是風熱、下陷入陰中、陽道不行、其

診閉目則渾身麻木、晝減而夜甚、覺而開目
則麻木漸退、久則絕止、常開眼則此症不作、
是以不敢合眼、致不得臥、身體皆重、時有痰
嗽、覺胸中不利、煩躁、氣短、喘促、肌膚充盛、飲
食不減、二便如常、此非風邪、乃氣不行也、治
宜補益肺氣、自愈、如經脉中陰火、乘其陽氣
動為麻木者、當兼去其火、則安矣、

補中益氣湯加蒼朮

草豆蔻

澤瀉

茯苓

黃柏

佛耳草

生苺草

白芍

氣不

運加木香 隨病加減

三妙丸 治濕熱下流兩脚麻木或如火燎之

狀

黃柏 去皮酒拌 炒四兩 蒼朮 六兩米泔浸炒 牛膝 去蘆 二兩

糊丸桐子大每服七八十九空心鹽湯下忌

魚腥蕎麥煎炒

人參益氣湯 治兩手指麻木四指困倦怠惰

嗜臥熱傷元氣也

黃芪 錢二 甘草 錢二 升麻 各半 五味子 二十粒

柴胡 六錢 甘草 生 人參 各一錢二分半 白芍 七分

白水煎稍熱服

桃仁承氣湯 見 生脉散 見暑門

大理卿韓珠泉遍身麻木不能舉動求損庵公

治公以神効黃芪湯加減授之用芪一兩二錢

參芍各六錢他稱是一服減半彼欲速効遂併

二服為一服服之旬日病如失諭以元氣未復

宜靜養完固而後可出渠不能從盛夏遽出見

朝謁客勞煩累日忽馬上欲墜仆從者扶歸邀

公視公辭不治數日沒嗚呼行百里者半於九十可不戒哉

頭痛

有風有寒有火有痰有濕熱有氣虛有血虛有食鬱有瘡毒

傷寒脉浮而緊身形拘急惡寒脊強身大熱傷寒頭痛也冬用麻黃湯餘月羌活沖和湯

傷風脉緩而浮或左脉微急症兼鼻塞眼脹自汗傷風頭痛也宜解肌冬月桂枝湯餘月十

味芎藭飲

火兩寸脉洪而大症兼口乾目赤等火症者上

集實火也宜清散兼降川芎茶調散之類加
酒芩連梔子石膏勢盛而脉實者用熟大黃
以瀉火也丹溪法用酒大黃半兩茶煎服
食鬱右關寸脉滑而實症兼嘔吐惡心心下痞
悶或痛或寒熱如瘧乃食鬱頭痛也治瀕消
道二陳山查厚朴枳實神麩從傷食治

婁全善曰病在胃而頭痛者必下之方愈也如
孫兆以利膈藥下張學士傷食頭痛郭茂恂以
黑錫丹下其嫂產後汚血頭痛皆下咽即安也

內經曰寸口脉中指短者頭痛也

脉經曰陽弦則頭痛 又曰寸口脉浮傷風發

熱頭痛也脉緊傷寒脉訣云頭痛短澁應瀕於
浮滑風痰必易除

痰厥兩寸脉滑而弦或惡心吐清水昏重乃痰

厥頭痛也半夏白朮天麻湯

濕熱脉數而濡或兩寸脉沉伏而數身重肢節
重或四肢面目浮腫乃濕熱頭痛也此多見
於酒客宜散濕解熱二陳二朮酒芩羌獨防

風之類，不已用喘鼻法，濕家一身盡痛，發熱面黃而喘，鼻塞，心煩，頭痛者，濕在上也。瓜蒂散，內鼻中吐之。

氣虛右脈大而無力，或按之不數，或弱，或弦，或兩尺洪盛，四肢怠墮無力，飲食不思，口淡無味，乃氣虛頭痛也。四君子湯加黃耆、蔓荊子，或調中益氣湯加蔓荊子，重者加細辛。

血虛左脈大而無力，或濡細而數，自魚尾上攻於頭，是血虛頭痛也。四物倍川芎，加酒芩、眉

尖後近髮際曰魚尾

脚氣脈細而緩，或濡，肢節痛，大便秘，或吐逆，脚膝軟弱而頭痛者，屬脚氣，當從脚氣治。

子和曰：頭痛不止，三陽經受病也。三經各有部分，區別以治。

額痛及眼，或兼鼻塞，脈浮而長，陽明受病也。升麻、葛根、蔥白、白芷，主之。

自汗脈洪，口渴，屬陽明裏症也。白虎解毒承氣選用。

眉稜痛眉稜骨痛連兩角脉弦細往來寒熱少
陽受病也小柴胡主之

眼眶痛有二症皆屬肝有肝虛而痛纔見光明
則眼眶骨痛甚宜生熟地黃丸

如痛久不止久則喪目胸間必有宿痰先以
茶調散吐之吐訖再用川芎薄荷清上藥

三陰脉至頸胸而還不循於頭惟厥陰循喉嚨
之後上連目係頂顛故有頭痛症多嘔吐涎沫
四肢厥冷脉多沉伏吳茱萸湯主之

脉沉而細足寒氣逆或身微熱而頭痛者屬裏
虛受寒乃太陽脉似少陰也麻黃附子細辛湯
主之以附子溫中麻黃散寒加細辛是汗劑之
重者
頭久痛非火非風腦上有痰也濃煎茶一碗取
吐苦水出乃止不損人待渴自止
平人頭痛屬火與痰者多

肥人頭痛多是濕痰二陳蒼朮

瘦人頭痛多是血虛與火酒芩連荆防薄荷芎

歸

風熱在上脉浮洪而痛者宜天麻荆子台芎酒

芩

嶺巔痛加藁本酒炒升麻

頭風偏頭風在右屬痰屬熱痰用蒼朮半夏熱

用酒炒黃芩不應滾痰丸最捷在左屬風熱

與血虛亦云形瘦色弊而頭痛者屬血虛風

熱用荆芥薄荷川芎酒芩玄參血虛用四物

酒炒黃柏知母諸家不分所屬故多不効

少陽偏頭痛便秘者或可下之

偏正頭痛不可忍者玄胡索七枚青黛二錢牙

皂二個去皮子為末水丸杏仁大每以一丸水

化灌入鼻內隨左右咬銅錢一個當有涎出隨

愈

東垣一粒金用葦撥以猪膽伴勻入膽內陰乾

玄胡索青黛白芷川芎各一兩為細末無根水

丸化開搗鼻中外以銅錢咬出涎

一人素病黃忽苦頭痛不已發散降火歷試無

效診得脉大而緩且一身盡痛又兼鼻塞乃濕家頭痛也投瓜蒂散一匕內鼻中黃水去大盃而愈

瘡毒脉弦數曾病梅瘡而痛不止或咽中痛或臂膊有一塊痛屬瘡毒愈毒湯多服自止

張三錫屢見頭苦痛百法不應詢之曾生過梅瘡用土茯苓四兩白鮮皮苦參金銀花各三錢黃柏一錢皂角子三十粒薏苡木通防風各二錢氣虛加參芪血虛加四物大獲奇驗身痛亦

效

一人頭痛脉滑而數乃痰火上攻也二陳荆芥羌活酒芩不應加石膏二劑稍可終未盡除前方加熟大黃三錢食遠煎服病去如脫

一人苦頭痛衆作外感治診得右手寸口脉大四倍於左兩尺洪盛乃內傷氣虛頭痛也外兼自汗倦怠以補中益氣湯加炒黃柏一劑知二劑已

一人頭痛而面色黎黑身體羸瘦左寸關俱不

應指兩尺獨洪盛因作陰虛治用滋陰四物加黃柏知母玄參二服減半十日全

一婦苦頭痛悞爲外感治發散三黃白虎硝黃愈投愈甚診之氣口急大而數按之卽濡右脉亦虛大詢之先不熱服藥後始熱余曰風寒必先發熱在一二日間豈有先不熱而後熱者此氣虛頭痛也觀其短氣不足以息餘皆可知今發散過度復耗其氣又復下之復損其血氣血兩傷宜乎虛火獨熾而身反熱也非大補拒能

挽回遂以補中益氣湯大劑加熟附子一片爲響導服下卽熟睡覺而痛止第人事不清復加筋腸肉瞶振振不寧彼歸咎于瀉劑余曰虛極所致復更一醫用柴胡表藥致一身之火遊行於外變爲斑爛彼益信爲傷寒矣化班承氣日進卒至氣絕而已

一人頭痛身形拘急惡寒便秘惡心作食鬱治不應診得氣口脉平和獨尺數而細且行步艱難乃脚氣欲動也從脚氣治而愈

一人頭痛作外感治不應左脉平和氣口獨盛
症兼飽悶惡心乃食鬱也消導而愈

一人牙與頭角互痛乃少陽陽明二經火盛之
故清胃散對小柴胡去半夏人參加薄荷石膏

二劑瘳

一老姬頭痛連額發散降火備用不效面上皆
出小紅泡有微水不甚潰一月後痛悉移於右
左眼胞上紅腫且懶於言動飲食不甜用辛瀝

愈投愈甚六脉濡弱如珠絲初按稍弦因作氣
虛治六君倍黃耆加蔓荊子三服後漸安心跳
不眠愈急乃以調中益氣湯加茯神玄參酸棗
仁栝子仁連進數服頓愈

川芎茶調散 治諸風上攻頭目昏痛鼻塞聲

重

川芎 荆芥 各二兩 防風 白芷 甘草 各二兩

薄荷 四兩 羌活 一兩 細辛 五錢

右為末每服二錢食遠茶湯調下

加味調中益氣湯 治氣血俱虛頭痛

陳皮

黃栢

酒炒各三分

升麻

柴胡

去蘆各四分

蒼木

炙甘草

各六分

黃耆

一錢

川芎

六分

人參

細辛

二分

蔓荊子

三分

更加當歸

白水煎服

莫菜萸湯

治厥陰頭痛連巔頂吐涎沫厥冷

脉沉緩

莫菜萸

生薑

各半兩

人參

二錢五分

棗一枚煎服

半夏白朮天麻湯

治痰厥頭痛眼黑頭旋惡

心煩悶氣喘上促無力以動心神顛倒目

不敢開若在風雲中頭痛如裂身重如山

四肢厥冷不得安臥

黃栢

炒一錢

乾薑

三分

天麻

黃耆

人參

蒼朮

各五分

神麴

白朮

各五分

麥蘖

半夏

橘紅

各七分

白茯苓

五分

右薑三片稍熟服此頭若痛甚謂之痰厥頭痛非半夏不能除眼黑生花風虛內作非天

麻不能已黃耆甘溫瀉火補元氣實表止汗
人參甘溫瀉火補中益氣二木俱苦甘溫除
濕補土澤瀉茯苓淡滲利小便濕因而導去
橘皮苦溫益氣調中神麩消食蕩胃中滯氣
麥蘖寬中助脾乾薑辛熱以蕪中寒黃柏苦
辛以療冬天小火在泉發躁也

羌活湯 治風熱上壅上攻頭目昏眩作痛

炙甘草半分澤瀉二分酒黃連 酒洗花粉

白茯苓 酒黃柏各四分柴胡五分防風

酒芩 羌活各六分

臨睡服

玉壺丸 治風熱頭痛亦治痰厥

雄黃錢一南星煨裂半夏煨七次天麻 白芷各錢

右爲細末薑汁炊餅丸棗豆大每服一錢食

遠白湯下

白芷散 治諸熱頭痛

鬱金錢一白芷 石膏各二錢雄黃 芒硝

薄荷各二錢

右為細末、含水鼻內吹之、

清上瀉火湯、昔人於氣海三里穴過多灸、至老

苦熱厥頭痛、雖冬月內猶喜風寒吹之、痛

即愈、稍暖或見煙火、即作服此遂已、

酒紅花 荆穗 川芎 荆子

當歸 蒼朮 細辛 酒連 生地

柴胡 藁本 各四分 生甘草 升麻

防風 酒黃柏 炙甘草 黃芪 各

酒茶 酒知母 羌活 各八分

白水煎服

安神湯 治頭痛頭旋眼黑、

二甘草 各二分 防風 各二分 升麻 柴胡

生地黄 酒洗 知母 酒炒 黃柏 酒伴 羌活 各

黃芪 錢半

將熟再加蔓荊子五分、川芎三分、再煎至一

盞、臨睡熱服

大法曰、高顛之上、惟風可到、一切痰火氣血為

病、須加風藥、如荆芥、川芎、薄荷、羌活、白芷、藁本

之類，卽前各加引經藥是也。

眉稜骨痛，風熱與痰，酒芩、白芷等分爲末，茶調散，妙不應。選奇湯，不已，滾痰丸。

選奇湯 治眉稜骨痛，不可忍，神効。

羌活 防風 各二錢 夏生 酒黃芩

冬不用，有火痛甚亦用。

水煎服。

又方：酒炒片黃芩、白芷等分爲末，每二錢茶

下。

清空膏 治偏正頭痛，年深日久不愈。○兼治

心煩頭痛，病在膈中。

川芎 五錢 柴胡 七錢 黃連 酒炒 防風 羌活 各二

炙甘草 兩半 片芩 三兩，一半酒浸，切片炒

右爲細末，每服二錢，熱盞內入茶清少許，湯

調如膏，臨睡沫口內，少用白湯送下。若頭痛

每服加細辛二分。如太陰脉緩有痰，名痰厥

頭痛，減羌活、防風、川芎、甘草，加半夏、麩，一兩

五錢。如偏正頭痛，服之不愈，減羌活、防風、川

滑注身五卷 豆疔 二二
芎一半加柴胡一倍如發熱惡熱而渴者屬
陽明只服白虎湯加白芷良

頭痒風屑髮黃酒炒黑大黃末茶調二錢紗血
虛有火弱人四物用生地加玄參牡丹皮

一方山豆根浸油搽紗甚者以湯洗俟髮半乾
擦梨蘆末緊縛一夜即止

產後頭痛古方用芎歸湯然亦須分割明白果
血虛宜此氣虛自汗須益氣食滯心下須消導

惡露不淨小腹痛兼去惡露

雷頭風

頭痛腫起核塊或作赤腫或作寒熱拘急皆風
熱挾火炎上所致雷屬相火故名古方用升麻
蒼木加荷葉名升麻湯莫若荆防敗毒散爲便
子和曰雷頭風可用茶調散吐之次服神芎丸
下之後乃以烏荆丸及愈風餅之類輕者可用
涼膈散消風散疔瘡不消只用排針刺去毒血
神芎丸 實熱熱鬱于上者宜之 方見火明

愈風餅子

始去癰疽卷 頭痛

六

川烏炮半兩 川芎 甘菊 白芷 防風

細辛 甘草炙 天麻 羌活 荆芥

薄荷以上各一兩

右為末，炊餅為丸，捏作餅子，每服三五餅，細

嚼茶下

頭重

東垣曰：頭重如山，濕氣在頭也。紅豆散，搐鼻妙

羌活根燒 連翹各二錢 紅豆半分

共末，搐鼻，病在上，若用服藥，則誅伐無過也。

故於鼻內取之，猶物在高巖之上，必射而取

之

頭搖屬風，屬火。高年病後，辛苦人，多屬虛。因氣

血虛而火犯上，鼓動也。即內經：狗蒙招，尤目

暝耳聾，上實下虛之義。狗疾也。目不明曰蒙，招

為掉，搖不定，尤為甚。

頭痛巖疾，下虛上實，名腎厥。頭痛，戴復庵用來

復丹，并黑錫丹等，如不應，葺殊丹。

葺殊丹
治法彙五卷 頭痛 六十四

好硃砂 草烏 瞿麥 黃藥子 各壹兩

右爲麤末，磁碗一箇，以薑汁塗炙數次，入硃砂在內，上鋪諸藥，復以碗蓋了，掘一小坑，安藥碗在內，用熟炭五斤，煨令烟盡，吹去草藥灰，將砂末研細，每服一錢半，淡薑湯下，或加鹿茸炙去毛爲末，丸，人參湯下。

面痛

三錫曰：面痛屬陽明胃家積熱，以腸胃爲市，飲食之毒聚於中，而發於外也。王損庵方用犀角升麻湯，犀角解毒，升麻黃芩入胃，陽明經脈環唇挾舌，起於鼻交額中，循挾車上耳前，過客主人，循髮際出頭顱，陽明有熱，則諸處俱痛也。一老人過勞與饑，則面痛，用補中益氣湯加連翹、黍粘、玄參、苓梔而愈。一人因鬱悒，用越鞠、貝母、連翹、橘紅而愈。

頸項痛

邪客三陽則痛，寒搏則筋急，風搏則筋弛，左屬血，右多屬痰，丹溪治一人，項強痛不可忍，以回

顧作痰客太陽經治之用二陳湯加酒芩羌活
紅花服後二日愈

若人多有挫閃及失枕而項強痛者皆由腎虛
不能榮筋也六味地黃丸佳

麻黃湯

升麻葛根湯

麻黃附子細辛湯

羌活冲和湯

白虎湯

桂枝湯

解毒湯

小柴胡湯

芎蘇飲

俱見傷寒門

黑錫丹

見嘔吐門

滾痰丸

見痰門

補中益氣湯

見內傷門



